

(feminae?) cylindrico, ano anguste canaliculato. —
Pedes breves, pubescentes.

Habitat in montibus altaicis rarius.

14. *SAPERDA sulphurata*.

Nigra, thorace striis 2, elytris punctis 4 sulphureis, pedibus testaceis.

Longit. $3\frac{1}{2}$ lin. *latit.* $\frac{3}{4}$ lin.

Linearis, nitidula, griseo-pilosula.

Caput punctulatum, lineis 2 obliquis verticis fronteque depressa sulphureo-tomentosis. — *Oculi* magni, prominuli; *antennae* corpore longiores, cinereo-pubescentes. — *Thorax* capite angustior, longitudine non latior, cylindricus, punctatus, basi constrictus, striis 2 lateralibus maculaque ante scutellum sulphureo-tomentosis. — *Scutellum* transversum sulphureo-tomentosum. — *Elytra* thorace latiora et 4-plo longiora, ad apicem angustata, apice emarginata, supra profunde punctata, punctis 4, magnis, seriatim dispositis, sulphureo-tomentosis (anterioribus saepius detritis). — *Corpus subtus* medio tenue, ad latera densius sulphureo-tomentosum. — *Pedes* longiusculi, laete flavo-testacei.

Habitat in Salice prope Barnaul et Smeino-gorsk.

15. *SAPERDA interrupta*.

Nigra, pallido-tomentosa, thorace punctis 6, elytris vitta interrupta denudatis.

Longit. $4\frac{1}{2}$ lin. *lat.* $1\frac{1}{4}$ lin.

Affinis *S. scalaris*; differt magnitudine et pubescentia. — Tota sub-nitida, pallido-tomentosa.

Caput punctatum, fronte depressa, oculis magnis, antennis corpore paullo longioribus, basi pilosulis, apice tenuiter cinereo-pubescentibus. — *Thorax* structurae *S. sulphuratae*, supra punctatus, punctis magnis, 4 dorsalibus quadratim dispositis, subconfluentibus, 2 lateralibus nigris. — *Scutellum* transversum. — *Elytra* thorace latiora et 6-plo longiora, linearia, apice singulatim rotundata, supra minus confertim punctata, vitta laterali, ultra medium fasciolis 2 interrupta, nigra. — *Corpus subtus* tenuissime punctulatum, minus tomentosum; *pedibus* longiusculis.

In sylvis Sibiriae 3 specimina lecta, duo virescenti-tomentosa, tertium cinereo-tomentosum; abdomine crasso, ano canaliculato (femina?).

16. *CLYTUS Ibea*.

Niger, thorace globoso, ruguloso, elytris striola transversa, fasciis 2 angulatis apiceque rotundato flavis.

Longit. 6— $7\frac{1}{2}$ lin. *lat.* 2— $2\frac{1}{2}$ lin.

Tota tenue albido-pubescentis, supra opaca, subtus nitidula.

Caput punctatum, fronte convexa, 4-carinata, carinis intermediis apice connexis. — *Antennae* breves, apice piceae. — *Thorax* transversus, basi apiceque truncatus et flavo-tomentosus, supra globosus, anguste rugulosus. — *Scutellum* transversum, rotundatum, margine flavo-tomentosum. — *Elytra* thorace parum latiora et $2\frac{1}{2}$ longiora, linearia, postice angustiora et singulatim rotundata, supra convexa, rugulosa, striola antica transversa, fascia a scutello pone suturam usque ad medium descendente, inde angulata, transversa, altera a priori ultra medium in ipsa sutura decurrente, tum cum illa para-